

## AUGLÝSING

### um staðfestingu á breytingu á aðalskipulagi Eyrarbakka (Árborg).

Samkvæmt skipulags- og byggingarlögum nr. 73/1997, hefur ráðherra þann 16. júlí 1999 staðfest breytingu á aðalskipulagi Eyrarbakka 1997-2017, Árborg.

Um er að ræða breytingu á landnotkun þannig að reitur við Búðarstíg 19 sem sýndur er sem iðnaðarsvæði breytist annars vegar í lóð undir blandaða landnotkun iðnaðar, verslunar og þjónustu og hins vegar í lóð verslunar og þjónustu. Jafnframt eru götur austan og sunnan við reitinn felldar niður og gert ráð fyrir lóðaaðkomu frá Nesbrú og Búðarstíg.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarráðs Árborgar. Skipulagsstofnun hefur afgreitt erindið til staðfestingar.

*Umhverfisstofnun, 16. júlí 1999.*

**Siv Friðleifsdóttir.**

*Ingimar Sigurðsson.*

Nr. 529

16. júlí 1999

## AUGLÝSING

### um staðfestingu á breytingu á aðalskipulagi Reykjanesbæjar, stofnanasvæði.

Samkvæmt skipulags- og byggingarlögum nr. 73/1997, hefur ráðherra þann 16. júlí 1999 staðfest breytingu á aðalskipulagi Reykjanesbæjar 1995-2015, frá 28. mars 1996.

Breytingin felst í því að stofnanasvæði, sérstaklega merkt S2 fyrir æðri menntastofnun, breytist í svæði fyrir þjónustustofnanir án sérstakrar merkingar.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Reykjanesbæjar. Skipulagsstofnun hefur afgreitt erindið til staðfestingar.

*Umhverfisstofnun, 16. júlí 1999.*

**Siv Friðleifsdóttir.**

*Ingimar Sigurðsson.*

Nr. 530

16. júlí 1999

## AUGLÝSING

### um staðfestingu á breytingu á svæðisskipulagi sunnan Skarðsheiðar, Kúludalsá.

Samkvæmt skipulags- og byggingarlögum nr. 73/1997, 2. mgr. 14. gr., hefur ráðherra þann 16. júlí 1999 staðfest breytingu á svæðisskipulagi sunnan Skarðsheiðar 1992-2012, frá 26. apríl 1994.

Um er að ræða breytingu úr hefðbundnum landbúnaði í skógrækt og frístundabyggð á afmörkuðum hluta jarðarinnar Kúludalsá.

Uppdrátturinn hefur hlotið þá meðferð sem skipulags- og byggingarlög mæla fyrir um og fyrir liggur yfirlýsing sveitarstjórnar Innri-Akraneshrepps um að hún taki að sér að bæta það tjón sem einstakir aðilar kunna að verða fyrir. Skipulagsstofnun hefur afgreitt erindið til staðfestingar.

*Umhverfissráðuneytinu, 16. júlí 1999.*

**Siv Friðleifsdóttir.**

*Ingimar Sigurðsson.*

21. júlí 1999

Nr. 531

## SAMÞYKKT

### um hundahald á Seltjarnarnesi.

1. gr.

*Almennt ákvæði.*

Hundahald á Seltjarnarnesi sætir þeim takmörkunum sem kveðið er á um í samþykkt þessari.

2. gr.

*Skráningarskylda.*

Skylt er að skrá hund á bæjarskrifstofu Seltjarnarness á þar til gerðum eyðublöðum, eigi síðar en mánuði eftir að hann er tekinn á heimili og hvolpa eigi síðar en þeir verða sex mánaða gamlir. Mynd af hundinum og vottorð dýralæknis um að hundur hafi verið ormahreinsaður og örmerktur, skulu fylgja umsókn um skráningu. Bæjarstjórn er heimilt að ákveða að hundar skuli örmerktir.

Hund skal skrá á nafn og heimilisfang lögráða einstaklings.

Dveljist hundur tímabundið á Seltjarnarnesi skal skrá hann til bráðabirgða, en slík skráning skal ekki gilda lengur en í 6 mánuði.

Skráning er háð því að hundur raski eigi ró íbúa bæjarins og sé hvorki þeim né öðrum sem um bæinn fara til óþæginda með tilliti til hávaða, óþrifnaðar, eyðileggingar verðmæta eða slyshættu. Við skráningu hunda getur heilbrigðiseftirlitið leitað umsagnar lögreglu telji hún ástæðu til.

Hundaeiganda ber að tilkynna skrifstofu bæjarins um aðsetursskipti og ef hundurinn drepst. Við aðseturskipti skal afla samþykkis nágranna sbr. 5. gr. þessarar samþykktar. Við eigendaskipti skal skrá hund á nafn nýs eiganda.

Við skráningu fær eigandi afhent þar til gert merki með skráningarnúmeri sem jafnan skal vera á hálsól hundsins.

3. gr.

*Gjald fyrir hundahald.*

Hundaeigendur skulu árlega greiða bæjarsjóði gjald til að standa straum af skráningu og eftirliti með hundahaldi. Sá sem á fleiri en einn hund skal greiða gjald af hverjum hundi fyrir sig. Bæjarstjórn ákveður, að fenginni umsögn heilbrigðisnefndar, upphæð gjaldsins, og nánara fyrirkomulag gjaldtöku, í sérstakri gjaldskrá. Ábyrgðartrygging skal vera innifalin í árlegu gjaldi. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlits með einstökum þáttum. Bæjarstjórn lætur birta gjaldskrá í B-deild Stjórnartíðinda.